




Poex: 1246




2530


1869 11. 387











12

Frid. Zamell

EPIGRAMMATUM

Liber IX. & X.

ELBINGÆ.

Typis BODENHAUSIANIS

Anno M. DC. XLI.

Ad Lectorem.

CRede mihi Lector, nisi non peritura putarem
Carmina, nî nostrum fama maneret opus;
Vt mea propitiæ veniant ad cœpta Camœnæ,
Desererem Aonios paupera regna focos.
Vellat ô auriculas hæc indignatio Regum!
Plus animi nobis ingeniiq; foret.

ILLUSTRI ADMODUMq; REVE-
RENDO DOMINO

GREGORIO BORASTO

Ecclesiæ Varmiensis Canonico, Re-

giæq; Majestatis Poloniæ ac Sveciæ Se-
cretario &c. Domino suo plurimum

observando. S.

ILLUSTRIS DOMINE,



Um aliis mortalium alia videan-
tur optima; ego literarum studiis
nec præstabilius quicquam nec
jucundius esse, semper existima-
vi. Atq; ut ita sentirem, non tam
Philosophorum, qui assertores
literarum sunt acerrimi, addu-
xit me autoritas; quàm omnium universarum
gentium, si quæ hæcenus inclaruere, illustre exem-
plum impulit. Quotquot enim ex iis literas co-
luere, id præstant hodieq; , ut nusquam in occulto
sit colentium humanitas. Exinde quoties ea me-
cum cogito, subit admirari non paucos: qui, ta-
met si animus eis atq; opes adsint, aut dignitate
literarum commendari nolunt; aut si eas nec pa-
rùm degustaverint, abjectâ curâ ipsarum & volu-
ptate frivolis animum geniumq; expleri malunt.
Quorum insanix est ubi locum dederis, nisi obtre-
ctando bonis negotium facefferent. Neq; ego

utriusq; nostrum instituti non ambitiosus jactator
digitum verterim, nisi qui fuissent odio me prose-
cuti eò, quòd Musas amarem. Sed cùm dubitem,
utrum plus amori meo in illas, an quorundam in-
vidiæ hunc excitanti debeam; consumptâ ipsâ pro-
terviâ rabieq; nihil queror amplius: id consecutus,
ut jucundissimo literario otio, quod vetus ille præ-
dicat, uberiùs securèq; perfruar: accedente præfer-
tim amicitia, quam Tu tamtopere extollis, tot vi-
rorum: qui ubicumq; terrarum sunt, suorum civiũ
sunt probatissimi. Quos inter Tu, Illustris Domi-
ne, pulcherrimæ Te rei usu mihi arctiùs conjunxi-
sti, ac velut alter Tullius alterum me Archiam hu-
manissimè fovisti, noxâq; Svecanâ expiatâ Patriæ
divis etiam carum reddidisti. Tibi acceptum fero,

*Ludentem calamo nimbos penetrasse domusq;
Ætherias; aquilâ non eguisse Iovis.*

Iam diu igitur observantiæ meæ erga Te testandæ
animo duos hosce liberos meos nonum & decimũ
Epigrammatum postremos hujus decadis libellos
Tibi destinavi; eâ ratione, ut si quid post priores
opellas aptius demum septo meo exiisset id Tuo
nomini dicatum sacrumq; esset. Admitte eos, vir
illustris, his oculis huic animo, quibus omnem nu-
bem dispulisti, quoties simul viximus. Quod reli-
quum est, diutissimè vale vigeq; , ac quoad vita supererit,
Tui honoris cultorem Zamelium benevolentia comple-
ctere. Dabam Augustæ Ælvæonum Pridie Iduum Sextilis
anno sal. n. M. DC. XLI.

LIBER IX.
Ad Calliopen.

Missa Borastéas Heliconia diva sub ædes,
Quid dices illi, Calliopéa, viro?
Fare Tuum caruisse suo Cicerone Poetam,
Ter centum & decies plus minus oëto dies.

Nec mihi jam multo mittentis epistola lecta est
Tempore, pro Domino quæ mihi sæpe fuit.

Hoc quoq; dic illi: tum longa silentia passum
Ingratas tandem me soluisse moras.

Protenus ille Tui demissus in oscula vultus
Accipiet placido carmina nostra sinu.

Facundi Proceres semper coluere Poëtas.

Par Gothicus Latio cum Cicerone facit.

Illustri Dn. Gregorio Borasto Canon:
Eccl. Varmiensis, Poloniæq; ac Sveciæ
Regis Secretario &c.

TV quem Roma suos inter numeravit Amores,
Quem Rex Sarmatici delictum Orbis amat.

Qui quoties mea cumq; vides, ea texta Poëta

Dicis (& ex illo gloriore esse) Tui.

Hæc Tibi proprium sacrata, Boraste, legentur:

Propriumq; Tui pignora Vatis erunt.

Si fortè auscultat, triplicem qui terruit Orbem,

Cui Gothus & Moschus Thraxq; dedere manus:

Et quo proficiam de Te si fortè rogabit,

Dic: illi à silvis provenit iste vigor.

Alterius nunc spernit heri succedere fago.

Deponet calamos: non habet ipse nemus.

Feli-

Felicitissimo Principi Vladislao IV.

Poloniæ ac Sveciæ Regi.

Qui Rhodopen habitant perq³ Ismara celsa laceffunt
Armorum studiis bellig³ cupidine longum
Pacis opus, populus semper Marvortis aruiti
Assertor, nuper sed res turbare Polonas
Ausus, ubi incubuit primo discrimine pugnae,
Fortunam didicit post omnia Numen habere,
VLADISLAE, Tuam. Neq³ enim prudentia decrat.
Sed casus vicere Tui. Quocumq³ sub axe
Inferres Aquilas vexilla domestica terris;
Ingentes cecidere animi, præcepsq³ resedit
Ira tyrannorum, cum nunc durata pruinis
Æternoq³ gelu Riphææ examina gentis
Iugranæq³ manus; nunc Sole liquentia multo
Corpora Maurorum funestâ clade jacerent.
O superis dilecte diis! dilecte vel ipsis
Hostibus ex merito! Quoties victoria letos
Expedit fasces niveis ingressa quadrigis;
Servatum genus omne fuit, quod dicere grates,
Quod meriti resonare Tui præconia posset.
Te quem simplicius, Rex optime, barbara mactat.
Natio, felici memorabunt carmine Vates.
O utinam primas liceat mihi sumere partes,
Quem Tu post Geticos jussisti ludere casus!

PERILLVSTRI ac GENEROSISSIMO
DOMINO,

DN. SIGISMVND O GULDENSTERNIO
Lib. Bar. in Vogelvvick & Lundelholm. S. Reg.
Majest Poloniæ & Sveciæ Consiliario intimo,
Præfecto Stumensi &c. &c.

Sigismunde Tuæ qui stemmata gentis ab auro
Et facibus cæli ducis, amice Deum.
Dum non exoreris, totus mihi labitur annus.
An vis Te visam rure vel urbe Tuâ?
Præmisi tabulas, quæ Te salvere jubebunt.
Me nunc sub Cancro fœda moratur hiems.

MAGNIFICO & NOBILISSIMO
DN. WILLICHIO WESTHOVIO
à Westhofen Canon. Lundensi, Com.
Palat. Poetæ Cæs. &c.

An te ter undenos cecidit Westhovius annos:
Sed mihi, cui Parca restituere virum.
Ipse nepos Vatis patrum nam vivere Vatem
Adstruit, & Dano carmen biare freto.
O nec ab ore mihi nec Apellis cognite fuco,
Cote sed ingenii, candide Mysta, Tui:
Credo quod exiguis infer sit Bilo libellis,
Quod Phæbi est de Te tota locuta domus.
Nuper enim vidi Tibi texta senilibus annis:
Est viror his, dixi, quem velit ipsa Venus.
At Tua nunc solum ferit aures fama Batavas,
Et tacet in nostro littore tamta tuba.
Si, mea cum nôris, subit & fiducia nostrî,
Ut manuum desint pignera, jungo fidem.
Ede: Borusfiaco tria mitte exempla Poëtæ.
Nominis in fructu res erit illa Tui.
Ecce Tibi ut fraudi fuerit tacuisse Borusfit,
Et totum à Batarâ corte rogâsse decus!
Dicemur populis & nos, ubi porro colentur
Plectro Dana Tuo sceptrâ, Polona meo.

SPE-

SPECTAB: AMPLISS: & CONSULTISS:
DN. SIGISMUNDO MEGERISIO

Cos. Elb. Coll. amicisf.

A Strivâ vehimur formosi fluminis undâ.
Lene tremens ripam vestit utramq; nemus.
Inde sonant centum, resonant hinc mille volucres.
O Sigemunde animi pars Megerise mei.
Quod Tuus, inquis, abest inter Tua tempea vultus?
Quod nemorum numquam non celebratus honor?
Exige rem de Te. Si non sis pectore firmo,
Et Tibi se totam præbeat aura Iovis.
Sintq; unâ Medici, junxtaq; Epidaurius anguis:
Quorsum ea, si gemitus non posuere Tuos?

Elbinga in glebâ.

IN GLEBA si quis me non quæsi verit, errat.
Scilicet in glebâ regnat Apollo meus.
Drusius in glebâ cecinit sua carmina Vates:
Drusidos à glebâ, quo sibi vivat, habet.

In Contium.

EPistolam purè Latinam Contius
Et integre vernaculam nullam exarat.
Latina miscet patriis. Sic in foro,
Sic liberis loquitur domi. Bilinguis est.

De Corbulone.

EXul oberrabat doctâ submotus arenâ
Corbulo septenâ dictus ab arte sophos.
Pallia sordebant, & discors cento fluebat,
Ægrius arctabant vincula rupta pedem.

Detritis

Detritis globulis claudebat fibula vestem.
 Vnica, laxati certa lacuna sinus.
 Pileolus lacerâ cingebat margine crinem.
 Pertusus solem nec prohibebat apex.
 Divitis hoc habitu sutoris limen adibat:
 Et misero raudum cerdo daturus erat.
 Sed prius intuitus cinctu potiora loquentem,
 Cum vel barba gravem diceret esse virum;
 Quâ, rogat, es patria? rogat actæ munia vite.
 Et si quid decoris gesserit, unde miser?
 Ille sed: E magni natus sum gente Cleandri
 Tubantus: nuper ludimagister eram.
 Lustra duo nunc sunt, cum septem missus in artes
 Egregii famam nominis inde tuli.
 Miratus cerdo, cum tot Tibi vivere possis
 Præsidii, nostram quid petis, inquit, open?
 Vnius compos, qualis Tibi sordeat, artis
 Hac ipsâ foveo meq; genusq; meum.

Scylla Nisi.

A H quis virginibus, quis stulto credat amor?
 Amisit, si quæ prurit amore, fidem.
 Nil illa sanctum, nihil inviolabile credunt.
 Prodidit incautum Scylla puella patrem.
 Hæc patrem, & tantum potuit peccare videndo.
 Quid facient aliis? quid, si inolevit amor?

In Tuppiam.

T Uppia culta sat es: nec talem filiamundum
 Aut conjux Vigili summa tenentis habet.
 Flammea sunt & gemma nitens & hiantina vestis:
 Aureus est limbus, nec sine Sere pedes.

B

Tuppia

*Tuppia dēest unum. Vigili Tu filia non es :
Nec Vigili conjux, Tuppia, sed figuli.*

Ad Comites,

*De Cellis in saltibus Elbingensium
sic dicta valle.*

V*enimus ad Cellas sed vino & lacte carentes.
Et nullā irrigua est aspera vallis aquā.
Ad Silices (sunt hæc vicino nomina pago)
Tendite. Nam vitam quo toleremus, habet.
Quid sequimur voces neglecto pondere rerum?
Dant nobis Silices ubera: Cella nihil.*

Sapiens nemini invidet.

E*xuit invidiam cœlo vicinus & astris.
Lucent & pravis astra jubente Deo.*

Hortus Treschenbergianus.

I*nsula, quā veteres placidis Elbinga sub Euris
Extendit Fabros, ac circum floridus Ennæ
Campus, & Alcinoi subter pomœria regnum,
Tamtarum quamvis hospes compendia rerum
Videris, excelsæ ponunt fastidia menti
Caussarum patriæ cumulo contracta foriq;
Heic florum suspensa thoris atq; arbore vari
Corticis & pomi, Paphios heic inter odores
Naturâ cultuq; loci renovantibus auras.
Talibus in meritis quid non præsumit amœna
Ostentator aquæ duplici fons utilis haustro,
Et Solem in siccis comescere pronus arenis!
O sanctæ mentes, quarum indulgentia nullo*

Fraeta

*Fraëta malo ingenii fomenta resumfit ab hortis
Pertinet ad dominum, nostris committere nomen
Versibus. Ille meâ se Treschenbergius urbe
Consulibus mistus sed præstantissimus infert.*

De Claudiâ.

I*Am quintum graviter decumbit Claudia sumtis
Nequitiam & fastum depositura sacris.
Increpat & stolidæ mater delicta juventa,
Inq; novas revocat pristina vota preces.
Nulla nec antè fides, neq; jam mihi Claudia facta est.
Quid superi credent? ô bene nota diis!*

De Sole.

I*Nvenit maculas in Sole recentior atas.
Nunc falsum est, illo purius esse nihil,*

De Titthâ.

C*Orpore Tittha brevi est, crus est exile, recadens
Venter, & parentes corneolæq; nates.
Sunt mammae ingentes. Si vellet Tittha recondi,
Posset in uberibus tota latere suis.*

De Marfirâ.

M*arfira de mensâ surrexerat: addita causa est,
Urgeri patriæ re graviore domûs.
Res suspecta fuit: speculatum Gellia misit,
Et conflictata est Marfira pulcibus.*

Tulipa floreti Hoppiani.

T*ulipa de centum millena videnda fenestris,
Flosculequem patrii Consulis hortus alit.*

Quo mihi jam tardo facilis succurrit Apollo,
In nemus ut longas amputet ipse vias,
Non ego vel molli feriam Te pollice. Si Te
Non querunt nares, intemperata vige.

In Daliā.

DAlia nobilibus cū nata parentibus esset,
Et gereret pręgnans quod Rhea gesit onus,
Noluit inspectum misis de plebe patere.
Depositus sellā est, cui modō nupta viro est.

Agri.

IN sacros animor per vos juga florida versus,
Lanigeras tondet quā Melibæus oves.
Quā matutinas cogit tuba buccera vaccas,
Et domina fastum tristis avena canit.
Occupet urbanas concentus doctior aures:
Est aliquid gratae simplicitatis agris.

Tinopodes.

IBam ad Tinopodas Druso vicina colentes,
Vidit arundineas gens mea nana domos.
Nominēq; audito, pater ah quō ducimur ajunt?
ΜένϞ γὰρ Τελει δεινὰ πόδας ΔάναϊϞ.
Ingressis sapidi sunt missa coagula lactis.
Mors pueris res est conciliata meis.

Eleemosynæ.

Velle satis non est cælum superare precando.
Orate: hoc superest: pauperibusq; date.

Navi-

Navigatio.

INvehimur ponto: sunt venti à puppe secundi.

Tendite vos nautæ carbasa: nota via est.

Æquoreos citra stabunt retinacula Danos.

Vrbs quæ Varniacâ nobilitata Pharo est.

Intrandum est portus his adspirantibus auris.

Altera si cælo cœperit ire dies.

Fanatici.

ESte procul nobis sectaria turba docentum.

Astra suo soli tota patere regi.

Nulli extra hanc cortem: quibus omnis Celta, Britannus,

Thuscus, Iber, Indus, Maurus, Arabsq; perit.

Nempe sub angustum tot gentes ire barathrum.

Fas erit, ut vobis seruiat omne chaos.

In vestrâ si sacra manu sunt integra, per vos

Debuerant omnes Orbis adire sinus.

Non ita inhærendum est exili cespiti, non sic

Ducenda in sumto noxq; diesq; mero.

Ipse suos cives à vobis exigit æther.

Implenda est cœli vasta patensq; domus.

Vultus inest vobis: quem si tamen exigo mecum.

Quàm pia quàm sitis sobria turba, docet.

Triste nefas Oriens insanâ lege tuetur.

Contulerim vobis, plus pietatis habet.

Famulæ.

DE famulis dixi: quas non discriminat aut pes

Tersior à dominis aut caput urbe meâ.

Vestitum domina famularum æquavit amictus.

Non aliâ morem conditione gerunt.

Discri-

Discrimen tamen est: quoties ad templa vocantur
Cum lucis medium est, Organa clausa tacent.

Scala.

Siquis in hoc populo rerum fastigia querit
Scandere, de nostro limine poscat opem,
Scala mihi tanta est (stolidi fecere ministri)
Posit ut hac quodvis culmen adire puer.

In Ponticum.

Vicerit ingenio securos Belga Borussos,
Nullius opprobrio est. Rem sua caussa iuvat.
Sollicitant altum peregrinag³ littora quærunt,
Patria dum cives non satis una capit.
Sed Tibi Mennoniæ quid erat cum furfure turbæ?
Quâ Tibi persuasit sordida secta fide?
Et qui fronte pilum nec tantum fronte gerebat
Nullum, sed toto vertice calvus erat?
Vir, cui suspecto rutilabat barba capillo,
Quig³ Tuæ gentis cesserat ante foro?
Pontice, crede mihi, si Tu deceptus ab illo es,
Vnius arbitrio Te periisse Tuo.

Curruca.

Rideor à populo fallacis aperta cuculi
Fraudibus, & nati dicor alumna nothi.
Accipe, cui meritum dat vana cucurbita nomen,
Sæpe Tibi natum non genus esse Tuum.
Omnia ne videas latâ Tibi pileus orâ
Mittitur. Exigua est & leve crimen avis.

Pugna

Pugna incruenta.

Indubiam evasit gemini contentio pugnam.
Militis: instabant hic eques, ille pedes.
Dux erat hic turma, sed dux erat ille cohortis.
Nec movet alter equo, nec movet alter humo.
Imparitas manifesta fuit discrimen in armis.
Hinc sclopus, ast illinc fulgidus ensis erat.
Nequicquam perstant dum non æquantur in uno.
Quæritis ut fuerit pugna diremta? joco.
Venit ab irrisis spectator plurimus ad me.
Scripsimus his pugnam Davidis & Fabii.

De Gifcone.

Gisco mihi leporem cum lumbo misit aprugno;
Cum me nec leporis nec juvet esus apri.
Officium laudo. Debet mihi grande talentum.
Solvit; nempe quoad Gisco potest facere.

De Excellent. Dn. Daniele Visnero
Archiatr. Reip. Elbing. Ad Clariss & Doctiss;
Dn. Michaelēm Myl um Gymnas. Elb.
Rector.

Quanti Visnero veteri fiamus amico;
Versibus à nostris accipe, docte Myll.
Non aliter meruit res hæc nisi carmine dici:
Quam canerent Naso Minciadesq; Maro.
Assato pingui Laurinius anseræ cœnam
Struxerat: & noster rite vocatus erat.
Me penes interea est: & dum mea carmina volvit,
Convivatoris verna vocator adest.
Ille sed: à cynis non ibimus anseris ergo.
Cœnabat mecum suaviter absq; coco.

Ad Sextilianum.

Effe Lycanthropot quie, Sextiliane, repugnas;
Inter matronas si Tibi visa lupa est?

De Appio.

Offenderat Novatus Appium. Appius
Quicquid Novatus improbè commiserit
illi exprobat. Petrus Appium rogat,
Ut hæc amoris Christiani pallio
Obvelet. Huic sed biliosus Appius,
Vetus est, ait, lacerumq; hiansq; pallium,
Quo nullius scelera neq; minimum nefas
Tam perspicaci tegere nôrim seculo.

De Gotolibâ filiâ.

FRaga meis inerant affuso nectare mensis.
Astabat nostræ terna propago domus.
Tunc ego: quis docuit? quem vos docuisse putatis
In dulci fragum molle natare mero?
Hæsit uterq; puer: Gotoliba sed ultima reddit:
Hunc ego doctorem credo fuisse gulam.

Ad Conjugem.

Vivemus, mea fors: cælonos fama locavit.
Vivere ab ingenio Tu quoq; discas meo.
Præsidium ex aliis animi sibi quærat egestas.
Præmia qui nescit nostra, sequatur opes.
Has gener infidus consumet & ignis & unda.
Æternum est, conjux, quod mihi Musa dedit.

In Cascam.

Cæsare sublato Brutum si Tullius ornat,
Nil reor in laudes, Casca, valere Tuas.
Nam quantum Patriæ debebat Brutus amor,
Tantum non de Te Iulius est meritis.

Ad Iustum.

Mamertem Stygiis dum, Iuste, reducis ab umbris,
Crede mihi, ludos hac novitate facis.
Squalidus est thorax, sordet rubigine telum:
Incomitis adstat luridus ipse comis.
Adspice, ut indomitum Mars noster rideat Oscum.
I Tu, Mamertem Iuste reconde Tuum.

Canes.

Mittite funereum pecus improba colla latrantum,
Vos Urbis genii totaq; turba mea.
Quò grex immensus? sumus intra mœnia, fossas:
Et clausas obeunt arma vigilq; fores.
Ut fœtent imi rapido sub Sole penates,
Cum spirant pasti non bona thura canes!
Cum vitiat teter staeten & cinnama flatus,
Et cortex Indâ de nuce nullus olet.
Accedo notos sed non auditus amicos,
Latratu voces impediende meas.
Pluribus indignor me flectere sedibus, infra
Quod cubet & suprâ gens scabiosa canum.
Mittite carnificum subigendos fuste molossos:
Si quid inest lætæ stirpis, alatur agro.
Est regio, in quâ hominum vix totos cogo ducentos,
Bis centum numero sexq; decemq; canes.

C

Pauper

Pauper homo prope me curto sub fornice, solus
Cui cophinus censum spondaq, rupta facit,
Par alit ex Hecuba baubante propagine. Caussam
Seiscitor: ex illo sum grege, dixit, herus.
Altera de geminis bis septem enixa catellos
Promotis spatium vindicat omne thoris.
Se tenui fulcro nutritius ipse coërcet.
Cum canibus dominum vix capit una domus.
Nec furor in parte est, sed culpæ accessit eidem.
Orbis Agenoriæ, quæ patet ille, nurus.
Latratur Rhodano: Geticis latratur in arvis:
Et quo se Melite de cane jaçtet, habet.
Quàm vereor, postquam de limine hylaëtoras egi,
Ne latret nostros ipsa Diana Lares!

De Crappio.

Dum sua picturis cœnacula Crappius ornat,
Concidit ex alto tota repente domus.
Interiit pictor, trahit æger crura minister.
Crappius evasit: nam stetit ante fores.
Quid Tibi cum Trojâ, Crappi, Priamog, cadente?
Troja fuit tectis exitiosa Tuis.

In Fabianum.

Utiliter nulli Fabianus miscuit herbas.
Quinq, senes unâ sustulit hebdomade.
Præbuit & pueris medicata liquamina denis.
Ad manes ibunt. Et tamen est Medicus.

In Ollum.

Parcius, Olle, tona: nec protenus exere fulmen.
In mores ratio non cadit illa Tuos.

Dispen.

Dispenses Superum quamvis mysteria, frustra est.
Ut creber jacias, irrita tela cadunt.

Quid flectas populum, cum potor & aleo sis Tu;
Cum Tua, quod Thais gesserat, uxor agat?

Olle, Tuam compeſce ſitim, depono fritillum;
Vxoris luxum comprime, claude fores.

Gesseris hoc pectus, quod ab auditore requiris;
Et fronti & linguae feceris inde fidem.

Vulgares animi spernunt praecepta doctum;
Si monitis abiit, qui docet, ipse suis.

Propempticon ad Stren. Erdm. Tircium
Trib. mil. & Regn. Floram conj. ejusd.
cognatam suam.

ITe sub occiduum nova quærere præmia Solem,
Qua poscunt animos Martia signa mares.

Omni composito terrarum hac parte tumultu,
Externo vestrum est arma sub Orbe sequi.

Seu vos ornet Iber seu pinguis Gallia ditet;
Ad vestras cunas flectite, ad ossa patrum.

In Iunonem.

Dianam Iuno, quod parturientibus adsit,
Dicitur innumeris exagitasse modis.

Venatu indulget, cum saepe quod inguine capta
Exsciderat damae, dama novellus erat.

Saepe laboranti casu fuit obvia cervæ,
Et posuit nervos & miserata feram est.

Incautam misit nemus obstetricis in artes,
Fæmineos tetigit cum dea virgo locos.

Iuno, quid invidas? fatuus pudor urbibus insit:
Cynthia rus habitat, & genus omne juvat.

*At Tu quid facibus thalamum genialibus ornas,
Per Te si nuptæ non peperere nurus?*

Ad Musas.

Non perii vobis: mecum sperate Cæmæna.
Sæviat in corpus febris acuta meum.
Excitet & gemino nephritis rene dolorem,
Et quærat miseras cruda saburra vias.
Sitq; recens aliud, quod viscera nostra flagellat,
Penè quod in noxâ non reor esse senex.
Corporis afflicti didici contemnere morbos,
Si sua vis animo est integritasq; meo.
Dotibus ingenii mea præmia metior & me.
Non perii vobis, hæc mihi donec erunt.

In Mulieres.

Ite bonæ matres, procul hoc abscedite lecto,
Auribus in morbo turba molesta meis.
Cur mihi de vestris perduntur tempora rebus?
Quid mihi cum vestrâ, quam posuistis, acu?
Ad me quid Prisci conjux insana, vel Anthes,
Quæ sexto enixa est mense, puerperium?
Nulla mihi in vestris quærantur gaudia nugis:
Sæpe cor affligit garrula lingua meum.
Sunt quibus afficior vobis absentibus ultro.
Vos illud studium, vos latet ista quies.
Et penso & flagro famularum urgete labores:
Ac prope maternam stet sua tela colum.
Vna satis manus est, medicas quæ porrigat herbas,
Seu thalamis, patriâ seu mihi juncta domo.

MAGNI.

MAGNIFICO & NOBILISSIMO
BURGGRABIO REGIO,
DN. CHRISTIANO TRESCHEN-
BERGIO, ProCof. Elb.

O Prime Burggrabi, cui tamta hæc munia primùm
Febribus exhausti gratatur Musa Zamelli,
Tunc meo à morbo laxatas piscibus undas,
Et jacula & fundas, quoniam rectore carerent
Æquora, nequicquam patrii subiisse profundum
Littoris, in vero ponis discrimine? sic est.
Structores sensere mei: cum grandia cete
Frangeret assultans nuper ventosus Elias,
Squamigeri ut vidit populi languere magistrum;
Deërit, ait, nostræ messis fecunda culinæ.
Mentiri solitus non hæc tamen irrita dixit.
Portantur ciculi nostris neglecta ministris
Præda: nec absq; probro titulum gestamus aquarum.
Iamq; per æquoreos posita formidine tractus
Elusis salmo & cyprinus retibus errant.
Sæpe tomus Gothici mihi sistit orexin aselli,
Sæp. Caledoniis oneratur mensa plateasis,
Aut olidæ fruimur mucosâ halece tabernæ.
Optime Burggrabi, cui quod meruisse decorum
Contigit, exuti sunt hæc post tædia morbi,
Sic quoniam invitas, nostri primordia versus
Amoti silvis & amico fonte Poëtæ.

Navigatio febris remissâ.

Navigo bis calidis damnatas febribus undas.
Ossibus hos ignes di prohibete meis!
Ne noceant auris placidi melioribus amnes,
Neu remoretur iter Drusia pigra palus.

*Namq̃ ita arundineo vestitur cespite Drusus,
In canis lateat totus, ut, ipse suis.*

EPITHALAMION EXCELL: & AMPLISS:

DN. SIMONIS DACHII Poëseos

Prof. P. in Acad. Regiomontana ac p. t.

Facult. Phil. Decani.

Certum est Aonii posthac temeraria Regni
Stemmata cum fatuis animo dimittere cynis:
Quos nemo patrium melicè feruisse Caystrum
Novit, & arguto Parcas absolvere cantu.
Conscia mansuræ præscribam symbola famæ.
Ergo & quæ nostram substringunt præmia frontem,
Ipse verecundas deponam vertice laurus
Æquior, & castis referam sua germina silvis.
Qui primus potuit de stirpe avellere ramum
Ut caput ornaret, quamvis invenerit artem
Carminis, in falso neglexit honore pudorem
Aut titulo aut habitu non pugnaturus Amori.
Auctorem sequimur. Quid cultu profuit illo,
Quo minimæ plebis meruere cavilla Poëtæ
Mentiti non frunde suâ? Profecimus omnes,
Quotquot Acidalio colimus sub fœdere Musas.
Dic mihi, qui parvæ superaverit ardua Cyrrhæ
Absq̃ deâ, quæ Cypron habet? Mihi quarta reluxit
Tæda rogis accensa tribus. Charitillida nostram,
Et non sopitas alto sub pectore curas,
Etsi terra tegat, prope lenti stagna Druisçi.
Ac Nogadi ripas cecini vulgator amorum
Plectro, quod Cytheræa dabat. Risere Napææ
Tam firmi nova vota senis. Vos cætera testor.

Vos

Vos Aganippais os irrorantia limfis
 Nomina. Si vultum caperati fingitis, edam:
 Qui vobis regnârit amor, quæ torserit *Ægle*,
 Quid fuerit tam dura *Hyale*? Da *Cypria*, myrtos,
 Alma, Tuas: Veneris myrto formosior ibo.
 Nec meus à *Poliâ* conceptum *Dachus* estum
 Disimulare potest, de se non posse negari
 Non dubius, nobis nostrisq; ostensus *ephebis*.
Prægorides *Nymfæ*, quarum cecinit *hymenæos*
 Ipse suas alio vegetans sub amore *fr villas*,
 Sic Veneri supplex seq; ingeniosior ipso
 Tot *Vatumq; choro*, quoties in imagine *vestrâ*
 Sectatus *Polian* speratos arsit amores!
 Si quid amas *laurus*, si quid iuvat ardua *Daphnæ*,
 Cui numquam ætherios jaculatur *Iupiter ignes*,
 Par *Phæbi* calamis nuptæq; recentis amori,
 O decus ô nostrum *Dachi*; Tua sustinet ætas,
 Et jam causa potens *Paphias* abeuntis ad aras
Semideûm comitante manu *genisq; locorum*,
 Ire triumphali succinctum tempora *lauru*:
 Dum Tibi bella parat nulli damnata *Poëtæ*,
 Et certam spondet genitrix *Aphrodisia palmam*,
 Tuq; ut specteris, faciunt promissa *Dione*.
 Ne tamen abnueris *actâ Cytherëia pompâ*
 Conjugis ante *thorum* *Clariis* præponere fertis,
 Aut multâ miscere Tuam *Peneida myrto*.
 Crede mihi *Dachi* (toties repetamus oportet)
 A Venere est, nostris si versibus ulla *venustas*.
 Quid mihi permisi! florentes attinet annos.
 Me senium traducit iners torpente *Camœnâ*
 Indecorem *Phæbo*: nec cultor idoneus horti

Occupor Idalii. Tu cū Tua gaudia doctis
 REGINAM nugis adsperseris,ingere pleno
 Oscula cum morsu: seu Te prior illa lacestat.
 Ac Tibi Pæstana non invitata corollas
 Nectat, in amplexu jucundior omnia sumes.
 Tu Cypria volucres cum passere mitte Catulli
 In Polia gremium: Tu Naica dona sub ipsis
 Vallibus explora: Tu felix esse Poëta
 Incipe sub myrtis nec dum fugiente iuventâ.
 Sunt aliqui casus, quibus est obnoxius æther,
 Qui rerum posuere modum: succumbimus illis
 Nos quoq̃. Ne speres horum transcendere fines.
 Attamen ut vobis superet mora tardior, opto.

Asinus gemmeus in mensâ Bodii.

Gemmeus in mensâ Bodii cū staret asellus
 Conando Bodius distichon orsus ita est:
 Id quod in hac mensâ est. Sed digno claude, Zameli,
 Pentametro. Dixi: gemmeus est asinus.
 Tum Bodius: malè vox commissa trisyllaba fini.
 Caussa data est: Asinus tres habet iste pedes.

Sestos & Abydus.

Seston Abydeno si quis de littore quærit:
 Rectus erit trames, quem sibi fecit amor.

Orbis terrestris.

Siccine terrestrem verubus suffigitis Orbem,
 Vt ceu mactata coxa rotetur ovīs?
 Vt Sole & pluviis ceu liquecente butyro
 Se saturet cæli iussus obire vias?
 Ergo fatigatum damnavit inertia cælum,
 Et genii sphaeras deseruere suas?

*Tardag, fert tellus, quod sponte volubilis æther
Vt conjux numquam ferre negavit onus?
Mittite cum pictis cælum succinctus astris,
Et quos mille typos vestra papyrus habet.
Perdidit infames autor Memphiticus horas,
Et qui Chaldaëum pegma refinxit Arabs.
De nostro res nota foco est, quid sidera tractent.
Versatam assiduò Sol cocus assat humum.*

Epitaphium Liddæ.

Lidda sub hoc tumulo est. Vt dicunt unus & alter,
Funeræ ut produnt, à quibus uncta fuit,
Candidior membris nituit quovis alabaastro:
Quodq; velint omnes, hoc stetit ore decus.
Sed mores abeant, formosis omnia desunt.
Mutatis sperni cepit, & ipsa procis.

Epicedium Staphyles

Clausa est hoc Staphyle quadragenaria saxo.
Quàm bene tunc, fronti cum suus esset honor!
Cum juvenum lacrimas formosæ busta cierent,
Nec flerent soli, vir, pater, atq; soror!
Iuncta viris tribus est: occultè pluribus hæsit.
Quid possit facies, & Staphyle docuit.

De amore.

Qvàm misera res est amor, & ut verbo eloquar
Cum veniã amantum, amentia ac suspicio,
Et inde tortor! Atq; is ultro arcessitur
Hominum deũq; pestis ac protervia.

D

LIBER X.

LIBER X.

Ad Illustr. Dom. GREGORIUM BORASTUM
Can. Varm. Poloniæq; & Sveciæ Reg.
Secretar. &c.

Alter hic auspiciis, exteelse Boraste, libellus
Ire Tuis jussus jussa secutus adest.
Non dubium est primo junctum potuisse videri
Officium cultas persoluisse Tui.
Sed negat inprimi pro se requiescere gestu,
Quo par est studio missus & ipse loqui.

Ad Magnificum & Nobiliss. Burggra-
bium Reg. Dom. CHRISTIANUM TRE-
SCHENBERGIUM PræCof. Elbing.

Scis quid agam, Consul, caput ô venerabile Nimfis,
Quæ civem & Vatem me voluere suum?
Piscinas meditor: cyprinis ducere ternas
Admoneor: suboli est una reterfa nova.
Cum fæti fuerint, lucios admittet alendos
Altera. De nimio semine pastus eris.
Egregius mecum quoties convivæ recumbet,
Pingue genus præda tertia fossa dabit.
Non ea risisset Romanus commoda Varro,
Nec solam in salsâ spem posuisset aqua,
Fundorum dulces si quæ penetrasset in undas.
Non habet omnigenas Pontica Doris opes.
Optima de tenui discuntur sæpe libello.
Gloria Dubravii me penes ista Tui est.

Magnifico

Magnifico & Nobiliss. Dn. CHRISTOPHO-
RO SCHULTZIO J. U. D. Consiliario
Cæsar. cognato amicissimo.

Ergo juridici Te provexere labores,
Iamq; es Cæsareæ portio magna domus:
Os Themidos secreto Augustam dictantis ad aurem,
Romulei formam scitaq; prisca fori:
Tum quid Cæsaribus placuisset jure novello,
Et cum Teutonice res ditionis erat.
O meritis de me sanguis meus, ipsane mactet
Integrius, Schultzii, Te Themis atq; Fides?
Fugisti in Patriæ gremio mediocris haberi.
Consilii ratio nunc stat aperta Tui.
Cum Tibi coccineas daret alta Vienna tiaras,
Vidit quâ posses arte juvare deos.

Spectabili & Consultiss. DN. MATTHIÆ
RICHTERO Reip. Elbing. Syndico.

Centum annos vixit dein quinquaginta duosq;
Ille Caledonius, quem dat imago, senex.
Pugnas, Matthia? quo iudice neminis ævum
Centum hodie attingit, falsaq; fama rei est.
Pulle sacer Themidos, testes ne sperne tot urbes,
Cui præstant aliàs bina vel ora fidem.

De Aldo.

Virtuti locus est: Aldo sua præmia decrant.
Ergo alter posuit quos Aldus haberet honores.
Quàm bene firmasti virtutum robore munus
Aldo Tuum! jam Tu liquido spectaberis ex Te.

Villa.

Clariss. ac Consult. viri Dn. MICHAELIS
MEGERISI Patritii Elbing.

Vos Ælvæoniæ cultores alloquor ora.
Quod loquor ad vestra pertinet urbis agros.
Ardua seu latè stagnantis prædia Drusi,
Seu juga piscosi celsa tenetis Habi.
Tota mihi ditio, quâ se genitalia pandunt
Arva, placet: quaquâ nam pede pressa meo est.
Omnia cantavi, lucos & littora dixi.
Asseruit laudes vox peregrina meas.
Nunc quam prætulerim, certum est mihi promere, villam.
Maxima Lenzani gloria ruris erat.
At procul urbe meâ est: præstat compendia rerum
In Roberino qui locus extat agro.
Respicit Elbingum cum prono Hyperione flumen:
Objicit æquoreas frigidus axis aquas.
Drusus alit piscem: sed pisci cedit Havano.
Iudice me gleba est par utriusq; soli.
At vitæ ratio, juxtaq; salubrior aër,
Et liquidi fontes sceptratuentur Habi.
Sæpe ego Felicis regnum senioris adivi,
Nexa Roberinis limite rura jugis.
Illò me cari lepor invitabat amici.
Sæpe cibum sumsi quâ subit ille lacus.
Vidi in securo Neptuni munia Baccho,
Penèq; sub mensâ tendere vela Netos.
Mille gradus aberat: sed erat distantis imago,
Qualis in accubitus se penetrantis aquæ.
Nautarum voces è rupe notare videbar,
Et pronâ mali tangere summa manu.

Hac Roberini majoraq; commoda fundi
 Atollunt gemino conscia rura polo.
 Est decus in tumidis & amicum collibus uber.
 Non æquè in campis Lenzis amœna patet.
 Quid moror? in totâ non est regione quod æquem.
 Hunc sola hac titulum pascua villa gerit.
 Sufficit in segetes dominiq; alimenta gregisq;
 Asseruere suam pingua culta deam.
 Iam venit è lacubus, jam rivo præda recenti:
 Iam piscinarum funda recludit opes.
 Collibus è summis Gedaneas transvolat arces,
 Cui satis hoc oculis ut sibi tendat iter.
 Quid memorem patrios ornantia culmina fines:
 Qualia nectareo munere Chloris obit?
 Barbara vos stupeo priscisq; ignota Latinis
 Nomina. Pervanis lilia raptathoris.
 Discolor in varias emergit Tulipa formas,
 Et quæ cultorinotior herba suo.
 Sive illam Cuscus seu Mexica miserit Anthe,
 Seu de Iavano littore germen hiet.
 Sunt Paphii flores vegeti plantaria Pasti,
 Quasq; Venus silvas & puerintret Amor.
 Sit locus & nobis, has cum quæsi veris umbras,
 Cum tenero franges pollice, diva, rosas.
 Ecce Tuas myrtos inter measerta recepi:
 Quæ Phæbi Vates Aonidumq; gero.
 Crescite vos lauri: nemus est & Apolline dignum.
 Amplaq; ficulnâ stirpe virescat humus.
 Quid Tibi cum castis, fallax Lenæ, Poëtis?
 Numquid ut in versu sint Tua dona meo?

Sume

*Sume prius vires. Postquam superaveris antes ,
 Ex usurpato gloria certa botra est.
 Tum mihi Te jacta : tunc frontem innocte racemis ,
 Vdaq; fraganti sint Tua labra mero.
 Vt cumq; abfuers , honor est Cerealibus undis :
 Quas sine fece prohi cella recondit heri.
 Sit venia oranti : longos , precor , ille culullos
 Arceat , & cyatho de levitate bibam .
 Sape latens illis cecini mea carmina silvis :
 Et sitis à tenui fonte levata mea est.
 Ad magnum poteras (sic vos dicetis) amicum .
 Vt poteram , hoc cæptum perdere carmen erat.
 Discite , quàm nemorum res nostra juvetur ab umbris :
 Murmura quid præstent lenes onantis aquæ .
 Quos celebrem fundos , ut postera noverit ætas ;
 Hæc Michaël , ruris laus , Megerise , Tui est.*

Orphei Gratiarum suffimen ;

Καὶ τοῖς ἁγίοις μεγάλαν μοι.

Audite , ó Charites meritæ prælustria rerum ,
 Progenies veneranda Iovis , gremioq; decore
 Eumories , vos Aglaïæ formosa Thaliæq;
 Euphrosynæq; , decus ternum ternæq; parentes
 Letitiæ , quibus hæret amor , sed casta cupido est ,
 Non eadem facies verùm æternante juventâ
 Humano generi facies gratissima , mille
 Assertæ votis , redeuntes semper in orbem
 Pernici gyro socias imitante choréas.
 Tinctæq; ora rosis , jucundæq; illice vultu.
 Vos Vati , ut semper , faciles estote precanti ,

In Marcellum.

Marcellus barbam primâ sibi vellit in herbâ.
Imberbem puerum vidit Acidaliæ.

De Euryalo.

Sæpe rudes venor concessa per ora gemmas:
Sæpe mihi in tumulis, sæpe leguntur aquis.
Iactabat Lygius rutilis loca foeta pyropis.

Quin, ait, ad tantas me duce tendis opes.
Duxit ad Euryalum Minoia vina bibentem.

Vera loquar: facies tota pyropus erat.
At puer (& puerum permiserat ire rogantem)
Ultimus è natis spesq; supremæ meis.
Prodimus, & monstros, genitor, committimur, inquit:
Ab perii, ad Manes hæc nisi larva redit!

Sæviit Euryalius, sed non excanduit illo
Scommate: flagrabat totus & ignis erat.

In Eugeniam.

Formosa Eugenia es, sed impudica.
O posses ita comparare mores
Erga Chrysagoram Tuum maritum,
Nec fœdum senio, nec inficetum,
Ut festiva gregi latenter ad Te
Ventantum juvenem es! quod inter umbras
Tam claris oculis videmus omnes,
Occaso quoties crepusculascit
Phœbo, ut jam pueri sciant novusq;
Nostræ Carpio balneator urbis;
De Te iudicium viri ampliæres,
Et porro usq; loquacula ampliæres.

Nunc

*Nunc cum tam manifesta sis marito,
 Quam pridem fueras acerba eidem;
 Nocturnus vigilat Tui suiq;
 Arrectoribus arbitrisq; cummi
 Obtrufis sibi clamq; puniendis.
 Nec cauta Eugenia es, nec erudita.
 Non sic Mulciberem Venus fefellit:
 Non tam Pasiphæ furenter egit.
 Quotquot sunt aliæ Tui instituti
 Dum ledunt faciles volunt videri.
 O nosse Agathæ sororis artes!*

**Excellent. ac Clariss. viro Dn. GERARDO
 COERDES J. U. D. ac P. L. Consistorii
 Pomesaniensis Officiali.**

Q*uid Tu Carminifex Elbingam sæpius intras,
 Nec mea Versificis tecta, Gerarde, subis?
 Sive rigor fuerit, seu dixeris esse pudorem;
 Nec Tu Caucasus es, sed neq; Penelope.
 Muta animum. Laribusq; boni succede Zamelli:
 Qui prior est ausus limen adire Tuum.*

Olla fictilis.

Q*uæ venit Istuleas Elbingam vecta per undas,
 Eligitur nostro fictilis olla foco.
 Quicquid habet tenerum est & parvo in pondere firmum.
 Crassior est urbis testa meæ, sed biat.*

In mulieres.

E*uropæ atq; Asiæ concirvit foemina clades.
 Humanum mulier perdidit una genus.*

Quid

*Quid possint omnes, hæc saltem exempla profantur.
De Te nil Tanaquil, aut Cleopatra loquor.*

Ad Piscatores.

BIs sex convivas, halieutica turba, vocavi.
Retibus immensum sollicitate lacum.
Et jacula & tragulas & inanes mittite nassas.
Cassibus heic opus est, res ubi lauta juvat.
Primores venient, & magni nominis umbrae:
Nec deerit furum portio, serva manus.

Saufeia.

AVsonias postquam Saufeia venit in urbes;
Non nemo est Italus, qui bibat ante sitim.

De Cynthiâ.

Cynthia Doctoris Marcelli filia jactat
Se meliore suis civibus esse satam.
Doctor inops illam, locuples simul institor ambit.
Vivere Cynthia vult cum locuplete viro.
Conjugis & patris hoc discrimen Cynthia fecit,
Pro penore esse virum, pro genere esse patrem.

**Nobilissimo spectatissimoq; Domino
IANO SCLOCUMBIO, Serenissimi Magnæ**

**Britanniæ Regis Commissario &c. amico in-
tegerr. secundum sponso.**

Sclocumbi, sine quo fuisset inter
Armorum strepitus, Britannia nostris
Res ingloria concidisset oris,
Tu qui Ælvæonia supremus urbis
Hospes, nec minùs ipse primus audis,

E

Doctus

Doctus Brito Tuos juvare Reges,
 Doctus Brito meos juvare Prussos,
 Men' Sponso dubites Tibi secundum
 Aut isthunc populum secunda velle?
 Applaudit Tibi Drusus & Nokedus,
 Ac si qui subeunt & hunc & illum
 Fontes, amniculi, levesq; rivi:
 Nec Te tam Tamesis colit paternus;
 Quam vel noster Habus, vel arva divae
 Nostratis Pogiae Tibi obligata
 Magnomunere, turrium corusco
 Pridem marmore, nunc & insolenti
 Phaacum nemorum superba cultu.
 Sine scis Patriae optimas vocari
 In nobis, titulo Britannus hospes,
 At tamquam Patriae optimas amaris
 A nobis, pariter Tibi apprecatis,
 Quod Te par meritis tot est apisci.

Ad Ponticum.

N Vgae, si genitum credis me patre Poëta;
 Imbutus studiis non erat ille meis.
 Omnibus ignotas tracto majoribus artes.
 Nil facit ad nostros Troius Hector arvos:
 Milito qui sacro rigidos turbante Borussos
 Exosi patrios iliceosq; deos,
 Accesseré novis armorum gloria signis.
 Annales populi testor & acta mei.
 Dum licuit dum bella forent, coluere Gradivum.
 De parti suboles ubere vixit agri.

Drusida

Drusida vicinam Proniis descendit ab arvis,
E patribus vegeto pectore, nata coli.
Exit & hic vero, qui per compendia rerum
Credidit in Aonias me penetrasse domos.
Est aliquid quod prona dedit natura Poëtis.
At mihi non unus, Pontice, doctor erat.
Vera tibi fabor: didici de Manibus ipsis
Hoc numero pernox umbra Maronis erat.
Quem circa exiles animæ pars cætera Vatum.
At mihi conanti non satis illud erat.
Ad vos accessi, titulum qui traditis & rem.
Hellada qui calamo conditis & Latium.
Quod potuit nostros in fine iuvare labores,
Si qua fides aliis Vatribus, usus erat.

Borussi.

Gens Scythicis egressa jugis venere Borussi
Culturi Istuleis proxima rura vadis.
Hac hominum sum stirpe satus: mos barbarus hæsit
Patribus, obstipus perpetuusq; rigor.
Adducti numquam sectari castra Minervæ
Seu Martem rigidum, seu coluere solum.
Permisere mihi primo mea vota parentes;
Et cum nescirent esse, Poëta fui.
Res erat ingenii: nec deerat cura magistri,
Sed levis: Exiguo constitit iste labor.
Et modicus pater est hæc de me sæpe locutus:
Nescio quid tantum nostra perosus amet.
Totum posthabui primis conatibus Hermum,
Nil ultra Clarias quærere cætus aquas.
Majorum asperitas animi est mollita per artes:
Deniq; in exemplo est & vlluisse moras.

*Sic neglecta diu potuit sentescere tellus,
Quæ solet ex illo fertilis esse situ.
Seu superi vellent, quia præmia nulla sequebar:
Noster ut ex studiis integer esset honor.
Ut mea si legerent sincerè condita Reges,
Sincerus Regum me tueretur amor.*

Præstantifs. & Consultifs. juveni BAR-
THOLOMÆO MEGERISIO Secretario
Reip. Elbing.

SÆpe Tuo calamis ludens gratabar honori.
Nomine sub tecto res latet. Aldus eras.
Bartholomæe Tibi caussam Megerise profabor:
Qualia nunc condo sunt Epigramma breve.
Odi prolixas in tali carmine voces,
Præcipiat rebus ne mora longa locum.
Arbitrio stat deinde Tuo: si nomine maris
Notior esse Tuo, Bartholomæus eris.
Namq; & Bilbilides non raro Epigrammate dixit:
Dic mihi, quid Romæ Gargiliane facis?

De Bibulo.

PAuper homo est Bibulus quoties venere Calendæ.
Alphius & primâ luce molestus adest.
Cum lanii appellant & scriblitaria mater,
Nec numus oculis æreus ullus inest.
Potat, edit lautè: semperq; est splendida vestis.
Nec pauper Bibulus, sed neq; dives homo est.

De Priscâ.

PRisca meos animat virgo pulcherrima cives.
Confer eam Veneri, non erit una Venus.

Fulloni

Fulloni nupsit: sed malo sit ille Maritus,
Quam sordens lanio sordidiorq; faber.
Quid non patritium nomen speraverit, ajunt,
Fulloni misero si datur ipsa Venus?

Aristotel. I. Ethic. Nicom. c. IV.

Ἀμφοῖν γὰρ ὁλοῖσ' φίλον &c.

Cultor amicitiae, si Te reverentia Veri
Vlla subit, Verum praefere amicitiae.

Cyprini.

In mea cyprini veniant convivium: soli
Sed mihi si fiant prandia, malolupum.
Rara juvent alios: gustu mihi cuncta probantur.
Mecum utut obsonent infima turba fabri.

Typographia.

Tot studiis partam tuearis Græcia famam.
Penè sed hæc summa debilitata suo est.
Servavit magnum res non privata Platonem.
In veterum gazis bibliotheca mea est.
De Te quid meriti sint Teutones, exige Tecum.
Dat vitam proavis litera nostra Tuis.

De Cynthia.

Cynthia sola domi est: nota stat cantharus anse
Doctus de vitrea machis narrare fenestram
Esse sine ancillis dominam, nec adesse maritum.

In Claram.

Clara gerit pronum gibboso corpore ventrem,
Crus solidum femori continuumq; pedi.

(De

(De naso mittam, licet ille proboscidis instar:
Nec quoddam vinosa est, nec quoddam obesa loquar)
Nubit in hac zonâ, quam pridem solverat alter.
De consorte facit, quod fuit ipsa, canem.

VI. De Modio.

Tonsuserat Modius, sed erat brevior capillo.
Cum Petalo & mecum missus ab urbe comes.
Hoc mihi suspectam Petalus dum dicit in aurem,
Nulla fuit Modio nocte silente quies.
Manè rogat quid sit: dum cuncta revolvimus ed.
Ex illo Modium cæpit habere sopor.

Ad Francisc. de I. F. Italum.

Corripui in patriis pulicem, Francisce, puellis.
Hinc vitium versu dicis inesse meo.
Sunt pumili pulices qui nos, Francisce, lacessunt.
Grandior est punctus pulicis Ausonii.

De Ægle.

Hoc, quod casta solet puella dici,
Ægle desierat videri & esse.
Id cur perdiderit rogata dixit,
Amisisse nihil sed abstulisse.

Aula barbarica.

Horrida barbaries vestram me depulit aulam:
In quam non satis est, quod sine fece bibi.
Colluvies non cætus erat: non ordine sessum est,
Et nusquam in tota vox moderata domo.
Vnus erat, qui vos clamando vinceret omnes,
Cui palmam Stentor Carneadesq; darent.

Tum

Tum quanta in chordis feritas, inq̃ ære canoro,
Impulse horrendum cum crepuere fides,
Cumq̃ aures sonitu gemina stupuere tubarum?
Ad Trojam strepitus vix puto tamtus eras.
Integra di nemorum servate silentia Vari:
Seu si quid sonitus, à Iove semper eat.

De Anaëtorio Oenopolâ.

Vendit Anaëtorius sed mistum flumine vinum.
Tale mihi nuper vendidit ille merum.
I puer, & puras dic nunc mihi mittat ut undas.
Sed quid? se nullas vendere dicit aquas?
Mentitus puer es: sinceram credonegavit
Vendere se limfas, aut sine fonte merum.

Seçtæ.

Quid fiet nobis? cælum promittitis omnes,
Pallia qui geritis longa togasq̃ pares.
Quisq̃ sibi assertis. Modicum dissenserit alter;
Excidit, atq̃ inter non sua sacra ruit.
Sed vos tercentum secta componite litem:
Aut cælum rapiet nulla, vel una manus.

Pileus.

Sit mihi nec panda nec curta pileus ora;
Ambiat & medios spira venusta sinus.
Displicet appendix versusq̃ ad tergora nodus
Redditus huic semper, quo stetit antè, loco.
Sit similis sibi totus apex utcumq̃ geratur.
Dictator petasus sit mihi nolo meus.

In.

In quemdam.

Cum Tu sis locuples quàmvis è patre bubulco,
Spem nata nullam vis superesse proco,
Integer est, & honesta domus, nec egena bonorum.
Rex, quem vis generum, sive bubulcus erit.

Crabrones.

Pungite crabrones, & vester aculeus in me
Sæviat. Hæc vestri sunt gregis arma, mina.
Obnuptâ facie si vos invasero, quorsum
Ne vos irritem, vocula missa fuit?
Tercentum ex vobis primo discrimine fundam.
Mox cadet armatâ tota caterva manu.

Obæsi.

Viderat in nostrâ tres grandi ventre colonos
Nescio quâs litem lite fovere domo.
Vox erat, Hectoreas quæ tenderet aspera fauces,
Qualis sæpe gravis Vatribus esse solet.
Non ego roboribus concurrere talibus optem:
Non, etsi mecum par mihi miles eat.
Planane seu colles habitarent, ille rogabat.
Hos juga, respondi, non genuere viros.
Adspice monticolas macilenti corporis omnes.
Infima planicies sumen & uber habet.

In Cassonem.

Svrripuit numos uterino Mævia fratri.
Quid fiet, frater si peregrinus erit?
Iam Tecum limare caput scit Mævia, Casso.
Donabis: sed clam Te quoq; Casso, dabis.

Ariæ

Ariæ Belzero.

Silvarum placidis, Aria, successimus umbris,
Qua Prænestinum frigus & aura deum.
In res & voces immenso Numine dignas
Excitor: est Superum Mysta Poëta pius.
Tange fides, Aria: quæ Te fecere Poëtam.
Castaliæ regnant ista per arva dea.

Ad Valerium pictorem.

Pingemihî Venerem: sed qualiter illa, Valeri,
Zeuxidis artificii picta Crotone manu est.
Sit Cordæ facies, sed Gaulidos adde colorem:
Da Croniæ collum, pectus Ameloniæ:
Tertiniæ lumbos clunesq; appone pedemq;
Si modus hic fuerit, picta erit ipsa Venus.

De Cæliâ.

Cælia, cum fuerat clàm sepe admissus adulter;
Fecit ut hoc tutò vir pateretur agi.
Egit at hoc mæchus, quoniam dare vellet utriq;
Cælia, ne posset clàm nisi adire virum.
Cælia furtivos iterum sectatur amores,
Verbaq; dat mæcho clàm fruitura viro.

De Gilvâ.

Fecerat exequias elato Gilva marito,
Et gelidum sacro corpus humarat agro.
Mors non vera fuit: requièrant munia vitæ.
Constitit, ut tumulus fortè reclusus erat.
Dixit, ubi invisum vidit superesse maritum:
Res erat Argolico condere more virum.

F

Ad

Ad Poëtas.

Scilicet, ô Vates, deus est in pectore nostro:
Et res Aoniis nostra nitescit aquis.
O vani! quo nunc ipsi sunt culmine Delfi?
Quo tripodas luco templaq; Phœbus habet?
Speluncam priscus jubeatur adire Coretas;
Quo prius in caluit, non erit ille vapor.
Bucera florentes decerpunt secula laurus,
Proculcatq; sacros ungula fœda lacus.
Mirator rerum, quas ætas prisca tulisset,
Reptavit nuper toto Helicone Ligur.
Quærebam, numquid Cephiso ex amne bibisset.
Annuit ex illo fonte levasse sitim.
Huc veniunt, inquit; pecudes pecorumq; magistri.
Hæc pastoritio sufficit unda gregi.
Ducebant calamo nostris indigna Poëtis
Carmina: nec sensi Numen adesse mihi.
Ergo ego Calliopen quæram sub Phocidos antris,
Tam facilis patrio quæ mihi rure venit?

In Numerium.

Quis ille sit, viri rogatis hospites,
Qui tot trientibus culullos depleat
In non suo convivio. Moronniâ est
Hinc non procul civis Numerius nomine.
Qui cum domi est, vappam bibit semunciâ.

Eluvio.

Obruimur pluviis, Gothicoq; Aquilone ferimur.
Fluminaq; ad fontes acta furenter eunt.

Omnia

Omnia restagnant, fâdaq; palude teguntur.

Deploratq; suas rustica Chloris opes.

Iam matura Ceres armentorumq; fatisunt

Pabula, & in brumam condita pontus habet.

Cum nostris pecudum scandunt suspiria cælum.

Et quis non lacrimas cespes & herba gerit!

O vos supplicibus dī tandem ignoscite nobis.

Idq; fatigati terra polusq; rogant.

De Elisâ.

Nupsit Elisa viro, sed primâ admittere nocte
Noluit: aut pudor hoc, aut modo lusus erat.

Ergo ubi discretis jacuere cubilibus, unâ

Penè sed in tabulâ, dixit Elisa prior:

Stat mihi cum sponso geniali incumbere lecto;

Nôrit ut, inferior quàm sit amore meo.

Laurus Spartana.

Inter odoratas est ornatissima laurus,

Quàm Lacedæmonii pascua ruris alunt.

Pascua in Eurotæ Spartam subeuntia ripis,

Quæ sibi pro muro pectora civis habet.

Pertinet ad solos laurus Parnassia Vates.

Nascitur hæc magnos cingere sola duces.

Ad filium Gotofredum.

Pro cave proq; cave ratio concertat & usus.

Quod prisca caveunt, res hodierna cavet.

Deq; fame notum est: famei dixere priores.

Pro fame nunc ratio est: ravior usus erit.

Angnat mulier, memini Te querere. Gignit.

Sunt genitor, genetrix. Fæmina sola parit.

Piscatus.

TUta lacu semper piscatio, tuta mariq; est;
Sineq; turbo lacu, sineq; turbo mari est.
Sed proba vox Plauto non est piscatio, dicis.
Non hæc res Plauto, sed mola nota fuit.

Titulus emtus.

DEscribi in folio sua vult encomia Marcus:
Qui decimo in sexto non habet hoc, quod habet.

Nuptiis Petri & Sabinæ.

Macte novi Vatis deducta Sabina sub ædes.
Res erit in vestrâ semper agenda domo.
Tu paries pupos: conscribet disticha Petrus.
Semper erit quod Tu, quodq; maritus agat.
De questu dubitas? sua vendet carmina Petrus.
Quo Tu, quo pupi, quo vir alatur, erit.

Ad Cordum.

SI fugit Euphrosyne, non spernit Corde sequentem.
Pastorem fugit sic Galatæa suum.
Sapius audiui, tales voluisse prehendi.
Verius ut nôris, quarta prehensa mihi est,
Sua vius complexa est, quæ non invita reperta est.
Et doluit, quoties nemo secutor erat.

De Annâ.

Discite dotata, quid fecerit Anna marito:
Ferre virum solâ discite nocte gravem.
Expulit illa virum non admissura priusquam
Sponderet solâ se fore nocte gravem.

Et ne deciperet, subiecta est cautio pacto:
Verum ita, cum volet hoc Anna velutq; volet.

De Appia & Gellia.

Gellia saepe lavat: raro lavat Appia. Pulchra est
Appia: sed lippit Gellia & ore nigro est.
Illotam vellet seu lotam Paullus ab ipso

Exegi. Illotam, reddidit ille, volo.

Gellia nigra manet: modica delebitur unda,
Appia quod furvi pulverulenta geret.

ICtus.

Est qui de juris captet sibi Corpore famam,
Quicq; Modestinus quod fuit, esse velit.

Qui jacet Caji titulos, monumentaq; Paulli,
Et Plebem & Patres Imperiumq; crepet.

Talibus inciderit: digne legisse negamus
Hunc, tria qui nescit verba Latina loqui.

De illustri Dno. Greg. Borasto &c.

Inter precipites Te lux mihi candida nimbos
Exere. Languentes irriget imber agros.

Sed meus, ut doceat quamti sibi constet amari
Varibus ingenuis, ecce Borastus adest.

Archia sic Vates Ciceronem saepe vocavit,

Et posita est Patriae parvula mensa Patri.

Semper erit nostris sacer ille Penatibus ortus,

Tuq; coles festum, Calliopéa, diem.

Fundam vina deos veneratus thure Sabao,

Dicendusq; Tua voce Borastus erit.

Egregia in nimbo dedit argumenta favoris;

Se fore, quæ fuerit sors mea cumq; meum.

Mar-

Martino Faustio.

DE Cynicis. non est quodd spreveris omnia, Fausti,
 Extra se nullis Numina rebus egent.
 Hoc illi vidēre Canes, pulcrumq; putarunt,
 Si sibi sufficeret mens imitata Deum.
 Id stolidi est, nostro mundus cum seruiat usu,
 Naturæ impensis velle carere bonis.
 Sed Cynicam rigidis Aquilonibus objice turbam,
 Et muta Grajo Lappia rura polo:
 Vasa Sinopensis sua deferet, ire dolabrâ
 Doctus, & in quasvis arma parare feras.

Tumulus Catelli.

Hoc Iuditha brevi rudiq; saxo
 Signavit tumulum sui catelli.
 Malebat Phrygium locare marmor:
 At deērat lapis hic. Coacta fecit,
 Qualem agro fieri licebat urnam.
 Sed casum referam necisq; causam.
 Infusus gremio suæ puellæ
 Ille hospes Melitæus inde semet
 Cum libraret humi, repente fracta
 Atq; allisa solo est tenella cervix.
 Cum busto tegeter puella flevit,
 Hæcq; inter lacrimas subinde dixit:
 O ne sic pereat catellus ullus!
 Sic, dixi, pereat catellus omnis,
 Vestræ deliciae, salacibusq;
 Illi passeribus salaciores.

Ad

Ad liberos.

Antè fuit stupidus, nunc sensum perdidit omne
Vappius in patriam missus ab urbe Padi.
Ne tamti Ausonium, nati, credatis amictum,
Ut vos quæ perdunt, has adeatis aquas.
Vos fontem Eridani, Latium vos spernite Tybrin,
Si vos quod vegetet Rhenus & Albis habent.

De Euphemiâ.

Hæcne est, ô juvenes, meis Poëtis
Decantata nurus, sed ante denas,
Tunc cum virgo foret tenella, messes:
Illa Euphemia tunc decente naso,
Formosis oculis, & ore toto:
Apto pectore, ventre, surulisq;
Et stricto pede, cum sinus honesto
Nodo colligeret togæ fluentis,
Aut ultro daret hanc Notis ferendam?
Illa Euphemia? quanta nunc Chimæra est,
Quam turpis nimio rubore vultus,
Hac strumâ scabieg; pustulisq;
Quantum venter onus, gravesq; pygæ?
Quam pes laxus, & immodesta gressu
Ipsa Euphemia! Quid mei Poëtæ
Nugarum artifices sacraſtis ævo,
Quod vix tres trieteridas vigeat?
Quam vellem, ô juvenes, adesset horum
Cantorum mihi portio, per omnes
Contendam superos deos deasq;
Ipsos in subitum dari ruborem,
Hos si nunc videant suos amores.

Illuſtri


Illustri Domino Gregorio Bora-
sto &c. fautori optimo.


Quas Tibi jam neētit Cathedralis Stragona laurus?
Mussat enim populus, celse Boraste, mens.
Da veniam culpæ Tu qui non omnis es exsors,
Hoc nostri de Te sitacuerē libri.
Dum meditor, nec multa moror, seu publica tracto,
Interdum advertit me quoq; fama levis.


Ad Gotofredum filium.


Hoc numero exactis digessi Epigrammata libris;
Et cum Pythagorā Te colo sancta decas
Sit satis has aliquod nomen quasisse per artes,
Dum me non tantūm lactea Drusis amat.
Sit satis armatis non esse ingrata locutum
Regibus, & magnos conciliasse deos.
Ad majora vocor non admissura quietem.
Carmina sunt animi, nate, vacantis opus.
Si quid fortē tamen mea deinceps scrinia condent;
Ut dicant alii, Tu patris esse nega.
Sæpe, puer, vetui; quæ non vulgavimus ipsi,
Post obitum lusus inter habere meos.
Talia Neptuno, Veneris seu trade marito;
Neve aliter pereant, hoc Gotofrede cave.


FINIS.















Biblioteka Jagiellońska

sldr0019523

